

**DONA VERÓNICA MARIA OTERO LÓPEZ, SECRETARIA ACCIDENTAL DO CONCELLO DE
CAMBRE (A CORUÑA)**

CERTIFICO:

Que a Xunta de Goberno Local, na súa sesión ordinaria do día vinte e seis de outubro de dous mil vinte e un, por unanimidade dos oito concelleiros que a compoñen adoptou, entre outros, o seguinte acordo:

«3º. Expedientes de contratación

3.1. Aprobación do expediente de contratación núm. 2021/C003/000006, por procedemento aberto simplificado, mediante a aplicación de fórmulas, (cun único criterio de valoración : oferta económica), correspondente a “Mellora da accesibilidade no contorno da escola de música Sementeira de Sigrás, Cambre” (supervisado), obra incluída no Plan provincial de cooperación ás obras e servizos de competencia municipal (Plan único de concellos) POS+ 2021 da Deputación Provincial da Coruña. Expediente : 2021/C003/000006

Vista a proposta da concelleira delegada da área de Economía, Facenda e Recursos Humanos de data 21 de outubro de 2021 que literalmente se transcribe a continuación:

“O Pleno da Deputación Provincial da Coruña , con data do 27 de novembro de 2020, aprobou as Bases Reguladoras do Plan Provincial de Cooperación ás Obras e Servizos de Competencia Municipal (Plan unico de Concellos) POS + 2021, que fóron publicadas no Boletín Oficial da Provincia (BOP) nº 205 do 1 de decembro de 2020, e cuxas Bases 7 e 9 foron modificadas por acordo plenario do mesmo órgano provincial do 30 de decembro de 2020 e publicadas no BOP nº 225 do 31 de decembro de 2020.

O Pleno do Concello de Cambre na súa sesión ordinaria do día 28 de xaneiro de 2021 adoptou, entre outros, o acordo de participar no Plan Provincial de cooperación ás obras e servizos de competencia municipal (Plan único de concellos) “POS + 2021” da Deputación Provincial da Coruña, e solicitar a aplicación da achega e o préstamo provincial asignados, incluíndo dentro dos investimentos financeiramente sostibles incluídos na Achega Provincial 2020 a obra de “Mellora da accesibilidade no contorno da escola de música Sementeira de Sigrás, Cambre”.

O financiamento do investimento é o seguinte :

- Deputación : 20.043,70
- Concello : 37.267,19

Total : 57.310,89 euros

Consta o informe de viabilidade urbanística emitido con data 13 de xaneiro de 2021 polo arquitecto municipal, don José Ramón Díaz Barbeito, no que se recolle que a actuación prevista atópase no ámbito de afección da estrada AC-213, polo que deberá obterse autorización previa da Axencia Galega de Infraestruturas da Xunta de Galicia. Dita autorización foi remitida ao Concello de Cambre polo Servizo provincial da AXI na Coruña , exp. nº IF204A/AC/2021/0031, e aceptada a notificación con data do 11 de marzo de 2021.

Con data 14 de abril de 2021 recibíuse requirimento da Deputación Provincial da Coruña para emendar o proxecto presentado, no que se indican que deben ser corrixidas diversas incidencias, elaborándose un novo proxecto supervisado pola enxeñeira técnica de obras públicas municipal dona Elena Bartolome Delanoë con data do 27 de abril de 2021.

O proxecto correspondente á obra da *“Mellora da accesibilidade na contorna da escola de música Sementeira de Sigrás, Cambre” – Supervisado*, elaborado pola enxeñeira técnica de obras públicas municipal, dona Elena Bartolomé Delanoë, cun orzamento base de licitación de 57.310,89 euros (IVE incluído), incluído no Plan provincial de cooperación ás obras e servizos de competencia municipal (Plan único de concellos) “POS+ 2021”, foi aprobado pola Xunta de Goberno Local en sesión extraordinaria e urxente de data 29 de abril de 2021, e ratificado polo Pleno municipal en sesión ordinaria de data 27 de maio de 2021.

O Pleno da Deputación Provincial da Coruña, na sesión ordinaria realizada o 30 de xuño de 2021, aprobou o antedito Plan Provincial de Cooperación ás Obras e Servizos de Competencia Municipal (Plan unico de Concellos) POS + 2021, notificando ao Concello de Cambre a aprobación definitiva con data do 22 de xullo de 2021.

Consta a acta de replanteo do proxecto, asinada pola enxeñeira técnica de obras públicas municipal con data 8 de xullo de 2021.

Segundo consta na *“Circular sobre a aprobación do Plan provincial de cooperación ás obras e servizos de competencia municipal (Plan único de concellos) “POS+ 2021”*, de data 2 de xullo de 2021, a contratación farase utilizando os pregos-tipo de cláusulas administrativas particulares aprobados polo Pleno da Deputación , cuxo texto íntegro foi publicado no BOP e na páxina web da Deputación: www.dacoruna.gal/contratacion/documentos. O concello deberá cubrir en cada expediente o correspondente cadro de características do contrato.

Consta o documento de retención de crédito emitido o 12/07/2021 pola Intervención Municipal, con cargo á aplicación 1532.60900, por importe de 57.310,89 euros.

Consta o informe técnico de necesidade elaborado pola enxeñeira técnica de Obras Públicas municipal, dona Elena Bartolomé Delanoë, de data 12 de xullo de 2021, no que se propoñe o criterio de adxudicación, de acordo co novo Prego-tipo de cláusulas administrativas particulares que haberán de rexer para a contratación mediante procedemento aberto simplificado (mediante aplicación de fórmulas) das obras comprendidas nos plans provinciais e outras obras provinciais, aprobados polo Pleno da Corporación Provincial en sesión celebrada o 26 de febreiro de 2021 (BOP núm. 42 do 4 de marzo de 2021).

Consta a providencia da concelleira delegada da Área de Economía, Facenda e Recursos Humanos, de data 21 de outubro de 2021, de inicio do expediente de contratación, propoñendo o procedemento aberto simplificado, de conformidade co establecido no artigo 159.1 da LCSP.

Visto o informe emitido pola técnica de xestión de Administración xeral coa conformidade da Secretaria e o Interventor municipais con data do 21 de outubro de 2021, favorable á aprobación do expediente de contratación, e que contén a proposta de acordo a adoptar.

Constando todos os documentos preceptivos, en uso das atribucións que me fóron conferidas polo señor Alcalde segundo a Resolución núm.1323/2019 do 1 de xullo, e tendo en conta a delegación de atribucións da Alcaldía a prol da Xunta Local efectuada mediante Resolución número 1324/2019, do 1 de xullo, propoño á Xunta de Goberno Local a adopción do seguinte **ACORDO**:

Primeiro: Declarar motivada no expediente a necesidade do contrato ao tratarse dunha prestación coa que se pretende levar a cabo a correcta reordenación da contorna da escola de música Sementeira, así como melloras de accesibilidade e seguridade viaria nas mesmas, conseguindo así unha continuidade nos itinerarios peonís e facelos cómodos, seguros e accesibles a todos os usuarios, cumprindo así coas competencias que o Concello ten atribuídas de conformidade co establecido no artigo 25.2, apartado d), da Lei 7/1985, de 2 de abril, reguladora das bases de réxime local, (*"o municipio exercerá, en todo caso, como competencias propias, nos termos da lexislación do Estado e das Comunidades Autónomas, nas seguintes materias: "d) Infraestrutura viaria e outros equipamentos da súa titularidade"*), sendo ademais a pavimentación das vías públicas un servizo obrigatorio en tódolos municipios, de conformidade co establecido no artigo 26.1.a) da LBRL, quedando acreditada a natureza e extensión das necesidades que se pretenden cubrir, a idoneidade do obxecto e contido para satisfacelas, segundo se deriva da documentación e proxecto obrante no expediente, todo isto de conformidade co establecido no artigo 28 da Lei 9/2017, do 8 de novembro, de contratos do sector público pola que se transpoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en adiante LCSP).

Segundo: Declarar o expediente de contratación ordinario e, de conformidade co artigo 117.1 da LCSP, aprobar o contido íntegro do expediente de contratación núm. 2021/C003/000006, por procedemento aberto simplificado, mediante a aplicación de fórmulas, (cun único criterio de valoración : oferta económica), correspondente a:

- Obxecto do contrato: *"Mellora da accesibilidade no contorno da escola de música Sementeira de Sigrás, Cambre" (supervisado)*, obra incluída no Plan provincial de cooperación ás obras e servizos de competencia municipal (Plan único de concellos) POS+ 2021 da Deputación Provincial da Coruña
- Orzamento base de licitación: 57.310,89 euros IVE incluído
- Valor estimado: 47.364,37 euros
- Prazo de execución (fixado no proxecto): 4 meses

isto a teor do establecido nos artigos 131.2, 145.1 e 159.1 da LCSP.

Terceiro: De conformidade co establecido na Base Setima das reguladoras do Plan provincial de cooperación ás obras e servizos de competencia municipal (Plan único de concellos) "POS+ 2021" da Deputación Provincial da Coruña, publicadas no BOP do 01/12/2020, declarar de aplicación á presente contratación o prego-tipo de cláusulas administrativas particulares que haberán de rexer para a contratación mediante procedemento aberto simplificado (mediante a aplicación de fórmulas) das obras comprendidas nos plans provinciais e outras obras provinciais, aprobados polo Pleno da Corporación Provincial en sesión celebrada o 26 de febreiro de 2021 (BOP núm. 42 do 4 de marzo de 2021), (versión castelán), e con suxeición ao proxecto e documentación técnica que o integra, obrantes no expediente.

Cuarto: Aprobar o gasto, por importe de 57.310,89 € por conta da aplicación orzamentaria 1532.60900.

Quinto: Tendo en conta o establecido na Disposición Adicional Segunda, punto 7, da LCSP, e o informe emitido pola Secretaria Xeral de data 29 de outubro de 2019 en relación coa designación, composición, número de membros e limitacións na designación de membros da mesa de contratación, no presente expediente, a mesa de contratación estará composta por:

Presidenta: A Sra. concelleira delegada de Economía, Facenda e Recursos Humanos dona María Pan Lesta e, como suplente, o Sr. Concelleiro de Urbanismo e Obras, don Juan González Leirós .

Vogais: A secretaria xeral da Corporación dona María Luisa de la Red Ampudia e, como suplente, o/a funcionario/a que legalmente a substitúa.

O interventor municipal don Francisco Javier Ulloa Arias e, como suplente, o/a funcionario/a que legalmente o substitúa.

A técnica de xestión de Administración xeral adscrita a Secretaría, responsable de Contratación, dona María Fernanda Montero Carré e, como suplente, o técnico de administración xeral adscrito á área de urbanismo, don Fernando M. Garrido Negreira.

O enxeñeiro de camiños municipal- xefe da Sección de Servizos, don Óscar Souto Muiño, e como suplente, o enxeñeiro técnico industrial municipal don Ignacio Fernández Díaz.

Secretaria: A auxiliar administrativa adscrita ao Departamento de Secretaría dona M^a Juncal Capín Fonseca e, como suplente, a técnica de xestión de Administración xeral adscrita a Secretaría, dona Verónica María Otero López.

Sexto: De conformidade co establecido no art. 103 da LCSP, e cláusula 4.1 do prego de cláusulas administrativas particulares, non procederá en ningún caso a revisión periódica e predeterminada dos prezos do presente contrato e polo tanto non se aplicará fórmula ningunha

de revisión.

Sétimo: Publicar o correspondente anuncio de licitación no Perfil do Contratante do Concello de Cambre, integrado na Plataforma de Contratación del Sector Público do Estado, de conformidade co establecido nos artigos 63 e 135 da LCSP, con publicación dos documentos do expediente que conteñen a información a que se refire o artigo 63.3 da citada lei.”

A Xunta de Goberno Local, por unanimidade dos oito concelleiros que a compoñen, aprobou a proposta tal e como foi transcrita».

E para que conste e produza os oportunos efectos e coa salvidade e a reserva dos termos que resulten da aprobación da acta correspondente (artigo 206 do Real decreto 2568/1986, do 28 de novembro) asino esta certificación por orde e co visto e praxe do Sr. alcalde don Óscar A. García Patiño.

Cambre, na data da sinatura electrónica.

Visto e praxe
O alcalde
Óscar A. García Patiño

A secretaria accidental